

Pages valaisannes

Autor(en): **[s.n.]**

Objekttyp: **Group**

Zeitschrift: **Le nouveau conteur vaudois et romand**

Band (Jahr): **91 (1964)**

Heft 7-8

PDF erstellt am: **26.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

<http://www.e-periodica.ch>



Pages valaisannes

LA IZE MIR-GRAN (La vieille grand-mère)

Restâve ein on ieu tsalé u ta¹ roudgea de meffa², teta soléta ein sa mison acreucha deso on chi³ ein amon du velâdzo k'on visa avoui sé mison serrâie uteu du laze⁴ kemein on tropé d'einteu son berdgi su l'alpâdzo. On la visa preu sovein devan sa pourta vetia de grou drap, on meatcheu⁵ de coeuleu su lé z'épaulé, ein trein de felâ su on b ergo⁶ la groussa lanna du payi. Bin soléta, la poura ize véva, li, k'ava zu pâ mein de lo z'éfan ein son bon tein ! Mé ara, c'teusse l'iran toué via, mario ci et li avoui lou mémo souchi ke lou ieu dien leu tein.

Kan la ize cein allâve pè lou tsemin, apeuya su on treiko⁷ de corgnola, nion nein fassa de cas. On « bon dzeu », ché⁸ kemein on coup de dein, lé to. L'exeistâve à peina, n'ombra, kié !... Né pâ k'on la mépragive, bin loein de cein, mé kan l'on né ieu, uteilo⁹ à nion¹⁰, le mondo veu z'avouèze pâ mi ke na beuna u courtei¹¹, bin k'on bocon de chi de ravena. La bouna ize k'ava tant ito courtisâie, en son bon tein, pè toué lou dzevouno adon ke l'ire guie¹², vouèva, venienta, de n'itre pâmi ke n'ombra, foué du mondo, lein n'ire preske amorâie¹³ de lé vouârbé¹⁴ et me muso ke l'aré preu amo fire na pigna seutâie¹⁵ avoui son ieu vesin Landry ke l'ava zu frékanto on iâdzo !... mé kan l'on né teta ratatinâie sava preu

ke vala mio sondgi à âtro ke d'allâ repetâ dien on bal !...

Bin suro ke l'aré pu allâ restâ vè on de sou z'éfan, po pâ itré teta soléta, mé le sava preu ke n'aré fi ke noire¹⁶ et pi lou z'éfan on lou âme¹⁷ bin mé veu lagnon¹⁸ à l'éplat¹⁹ ! L'amâve onco mio sa solitude, son tsapélet, le son de lé seutsé du laze²⁰, sa messa du matin,lein démandâve pâ mi !

Su cein, y fan de veu dre kike çà, me, à veu ke veu z'été bin portein, cheuleudo, bouna leinvoua²¹, einrizolo²² pèrmi le mondo, porkié nâ veu pâ on bon mot po lou ieu ? On complimein, on bon dzeu, na pougna de man cein leu fi tant plizei et cein cote tan pou. Fo mousâ à cein suto ke la ien na on bon bâa ke mereton noutron respect.

Adolphe Défago.

¹ Toit ; ² mousse ; ³ rocher ; ⁴ église ; ⁵ foulard ; ⁶ rouet ; ⁷ bâton ; ⁸ sec ; ⁹ utile ; ¹⁰ personne ; ¹¹ champ, jardin ; ¹² jolie ; ¹³ décontenancée ; ¹⁴ par moments ; ¹⁵ petit rigodon ; ¹⁶ empêcher, nuire ; ¹⁷ aime bien ; ¹⁸ fatigué, lassé ; ¹⁹ très vite ; ²⁰ cloches de l'église ; ²¹ bonne langue ; ²² gai, bavard.

I conta du hlaquyè (L'Enfant prodigue)

Oun pâre aey dou maton. I méy dzoueno a di u pâre : — Papa, bale-me a porchyon du bën quyè me revén.

E i pâre a arrè partadjyà o bën.

I méy dzoueno a dedrey to vindu e è partey yoin vïa. Can è ju bâ réi, a menâ a bêa vyà, e a to chëncâ.

Can è qu'a ju to rîpa, èt ignoey 'na famena bâ pe ché paï. E chy-chy a couminchyà a ître geynâ. Ey a fallu ch'ëngadgyè portchè po voardâ e caëon a youn de réy. E arey proeu u ch'impli a bôli di j'alan quyè cruchyion e caëon, ma ey bayéon pa chaminte de chin.

Pouette, ch'è mettu a moujatâ : « vouéyro de vaë, e chin du pâre, y an de pan de pliri, e yo, bâ chy, crapo de fam ! Ah ! vouéi tornâ amu e chin du pâre e ey deréi : Dô, papa, éi proeu maë fé contre te ! Chéi pa méi digno d'ître i tchyo maton ma ëngadze-me coume vaë ! »

E coume a di, a fé.

I pâre i voajey tcho'e dzo énâ chu 'na cretta darri meyjon po bucâ ch'o t'arey yu ini. Can ot'a yu di yoin, a curu encontre e ot'a ëembrachya du p'o cou.

I maton ey a di : « Pâre, éi petchya contre o chyè e contre te, chéi pa méi digno d'ître appeâ i tchyo maton... »

Ma i pâre a di i vaë : « Portâ-me dedzôde e pli dzin j'alon e mettre-ey ! Mettre-ey ouna baga a man e de botte i pyà. E deletâ o vé ëngréichyà e tchoà-o ! Quyè i maton a mè ire mô e è vivin, ire pardu, e ora è retroâ !

An arrè couminchyà a féire fîta. E i prumyè di maton ire vïa voâgnè. En tornin, a avoui danchyè e mena a mujica. A ëntervoâ a youn di vaë dequyè chin ire.

Chy-chy ei a di : « Et i frâre a te qu'e tornâ arrouâ. E i pâre a fé a boutschyè o vé po fîta, de chin quyè o t'a tornâ a troâ chan. »

Atre et'arrè inu broun de radze, e voey pa chaminte ââ derën. I pâre èt-inu fura a te bretschyè. E âtre, rin !

« Y a tan d'an quyè te chervo e éi truon fé o couman, e tu m'a jaméi bayà

oun tzebrei po fîta ave e j'ami. E can ché chenapan de maton torne arrouâ gu coume oun tsa charvadzo, tu fé a boutschyè o vé por yui ! »

I pâre ey a di : « Tu, t'éi truon avoe me, to chin qu'êt a me ét a te. Ma fallie féire fîta o frare, pesqu'ire mô e è vivin, ire perdu e ora è trôâ ! »

Trad. : Che di Börne.

Avoué lè tsantèr dou « Consortâzô »

M'è fét grou pléjék dè rèlèva kè la data dou ongzè janviè 1964, l'è ahoukcha por lè tsantèr dou « Consortâzô » l'okajiong dè férè ouna pétékta sortiyè.

A la Kruï Fédérâlhè, dèvann kè d'inrèyè por dè bong, l'entrèng où toor d'oung vérètt, promèttièvè dèzà manék por lo rèchta dè la velyà. Komè chè ditt oung viènn où mondo bong valèjang, lo fromâzo rouhitt chirè lo rouè dè la fêhâ. L'è pochènn kè à Pully où Kafett dij'Alpè, Mousiou Zermatten, noj'ènn d'a fét gohâ oung dè chtou mé bong... è rouhitté tot èchprè por no. L'irè hum... vo dyo kè chènn ! Kant'â la rèng-na, tsékoung l'irè légbhro dè ch'ènn chèdrè ouna d'aprè choung goziè.

Apré ouna séng-nà dènkchè, hlou ké tsantonn lo patouè l'ayonn chèk. L'irè normâlh, donn vo ? Arri lo viro don patrong è lo kafett ouffèr pèr la sosiété chonn ahouk frang bîng akoulék. Mërsi à to dou.

Dourènn tota la velyà è tank'â oun'oura lè lèngyoué chonn alléyè gran trèng entrè teng kè la moujéka fajékvè véryè kakèj'oung. Por déré ènn doutré moss, l'irè ouna tota zènnta fêhëtta. Oung règrètt portann : tsèr mé dè tsantèr uoritt rèzoulyâ lè dérezènn ké èchpérone oung' cor è tozor ènn la bong-na volonta dè hlou ké l'angmonn tsantâ.

Ph. Blatter.